

Broj: 08-11-5-1-6276/24  
Sarajevo, 26.08.2024. godine

**g-đa Amra Junuzović-Kaljić, zastupnica**  
u Predstavničkom domu Parlamenta Federacije BiH

**PREDSTAVNIČKI DOM**  
**PARLAMENTA FEDERACIJE BiH**  
n/p Dragana Miokovića, predsjedavajući

**VLADA FEDERACIJE BiH**  
n/p g-đa Edita Kalajdžić, sekretar

Bosna i Hercegovina  
Federacija Bosne i Hercegovine  
**PARLAMENT FEDERACIJE**  
**SARAJEVO**

Primljeno: 12-09-2024			
Org. jed.	Broj	Priloga	Vrijednost
05/1	- 02-	430	124

**PREDMET: ODGOVOR NA ZASTUPNIČKO PITANJE**

Poštovani,

U vezi sa pitanjem g-đe Amre Junuzović-Kaljić, zastupnice u Predstavničkom domu Parlamenta Federacije Bosne i Hercegovine, postavljenim na 13-toj redovnoj sjednici Predstavničkog doma Parlamenta Federacije Bosne i Hercegovine, kojim se traži informacija o „iznosu kredita koje je Federacija Bosne i Hercegovine dogovorila prema uslovima varijabilne kamatne stope. Koliko su se ti uslovi pogoršali od 2022. godine, te koliko više Federacija BiH izdvaja godišnje po osnovu kamata zbog ovih nepovoljnih uslova?“, u prilogu Vam dostavljamo Odgovor na zastupničko pitanje.

S poštovanjem,



Prilog:  
- odgovor na zastupničko pitanje

Zastupnik u Predstavničkom domu Parlamenta Federacije Bosne i Hercegovine, g-đa Amra Junuzović-Kaljić, na 13-toj redovnoj sjednici Predstavničkog doma Parlamenta Federacije Bosne i Hercegovine postavila je zastupničko pitanje:

“Molimo da nam dostavite podatke o iznosu kredita koje je Federacija Bosne i Hercegovine dogovorila prema uslovima varijabilne kamatne stope. Koliko su se ti uslovi pogoršali od 2022. godine, te koliko više Federacija BiH izdvaja godišnje po osnovu kamata zbog ovih nepovoljnih uslova?“, na koje dajemo slijedeći

### **ODGOVOR** na zastupničko pitanje


Portfolio duga za koji je odgovorna i kojim upravlja Vlada Federacije BiH na dan 31.12.2023. godine iznosi 6.089,55 mil.KM, odnosno 20,30% BDP-a Federacije BiH. Sastoji se od vanjskog duga u iznosu od 5.166,66 mil. KM, odnosno 84,84% ukupnog duga, i unutrašnjeg duga u iznosu od 922,89 mil. KM, odnosno 15,16% ukupnog duga.

Tabela 1. Ukupan dug na dan 31.12.2023. godine

Opis	Vanjski dug	Unutrašnji dug	Ukupni dug
Iznos (u mil. KM)	5.166,66	922,89	6.089,56
Iznos (u mil. USD)	2.919,05	521,41	3.440,46
Nominalni dug kao % BDP-a FBiH	17,22%	3,08%	20,30%

Vanjski dug ugovoren najvećim dijelom za finansiranje većih infrastrukturnih projekata realizira se u saradnji sa Svjetskom bankom – WB, Evropskom bankom za obnovu i razvoj – EBRD, Evropskom investicijskom bankom – EIB, Međunarodnim monetarnim fondom – MMF i drugim bilateralnim i multilateralnim finansijskim institucijama. Sa fiksnom kamatnom stopom ugovoreno je 2.877,35 mil. KM ili 55,69%, a sa promjenjivom kamatnom stopom 2.289,32 mil.KM ili 44,31% ukupnog vanjskog duga. Unutrašnji dug je ugovoren u domaćoj valuti (KM) i sa fiksnim kamatnim stopama.

Slika 1. Struktura vanjskog duga Federacije BiH prema vrsti kamatne stope




Federacija BiH je tokom 2022. godine platila ukupno 75.941.789 KM po osnovu kamata na vanjski dug, od čega je 45.197.621 KM plaćeno po osnovu fiksnih kamatnih stopa, a 30.744.167 KM po osnovu promjenjivih kamatnih stopa. U 2023. godini plaćeno je ukupno 152.328.834 KM po osnovu kamata na vanjski dug, od čega je 49.437.752 KM plaćeno po osnovu fiksnih kamatnih stopa, a 102.891.081 KM po osnovu promjenjivih kamatnih stopa. Gotovo polovica iznosa, odnosno 50.806.714 KM, se odnosi na izdatke

za kamate po kreditima ugovorenim sa Međunarodnim monetarnim fondom, dok se ostatak u iznosu 52.084.367 KM odnosi na ostale kredite, pretežno Evropsku banku za obnovu i razvoj – EBRD i Evropsku investicijsku banku – EIB.


Dakle, Federacija BiH je u 2023. godini izdvojila 72.146.914 KM više po osnovu promjenjivih kamatnih stopa. Međutim, ovaj rast troškova nije isključivo rezultat rasta promjenjivih kamatnih stopa, već i drugih faktora, kao što je kretanje kursnih stopa, te angažovanje novčanih sredstava po kreditima usljed čega se povećavaju i troškovi kamata. Kako bi imali bolji uvid u rast kamatnih stopa, u nastavku dajemo grafički pregled kretanja šestomjesečnog Euribor-a u periodu 01.01.2022. – 01.07.2024. godine, budući da su krediti Federacije BiH dominantno ugovoreni po ovoj kamatnoj stopi.

Slika 2. Kretanje šestomjesečnog Euribor-a u period 01.01.2022. – 01.07.2024.



Vrijednost šestomjesečnog Euribor-a je početkom 2022. godine bila negativna i njegova stopa je iznosila -0,546%, dok je krajem 2023. godine iznosila 3,885%. Tokom 2024. godine zabilježen je blagi pad te na dan 01.08.2024. godine vrijednost stope iznosi 3,563%. Očekuje se da se dalji trend pada za određeni iznos baznih poena nastavi u 2025. godini, te se procijenjuje da će se do kraja 2026. godine stabilizirati vrijednost šestomjesečnog Euribor-a na oko 2,20%.

Slika 3. Kretanje SDR kamatne stope u periodu 01.01.2022. – 30.06.2024.



Kako se vidi iz Tabele 2., sličan trend je zabilježen i kod SDR kamatne stope po kojoj se obračunavaju kamate na kredite Međunarodnog monetarnog fonda (MMF). Vrijednost SDR kamatne stope je početkom 2022. godine iznosila -0,077% dok je krajem 2023. godine iznosila 4,103%.

Budući da je Euribor povezan upravo s referentnim kamatnim stopama koje određuje Evropska centralna banka (ECB), a imajući u vidu to da su se inflatorni pritisci u eurozoni pokazali jačim i upornijim od predviđenih, Upravno vijeće Evropske centralne banke (ECB) je od jula 2022. godine podiglo ključne kamatne stope za ukupno 4,50 procentnih poena. Referentna stopa ECB-a (stopa deponovanja kod centralne banke) iznosila je 4,00% nakon septembarskog, posljednjeg, rasta od 25 baznih poena. Time su ključne kamatne stope ECB-a dosegle svoj maksimum od osnivanja eurozone. Imajući u vidu sve navedeno došlo je i do značajnog rasta izdataka za kamate u servisu vanjskog duga Federacije BiH.

S poštovanjem,

**MINISTAR**

**Toni Kraljević**

